



Në mbështetje të nenit 4, dhe 23, të Ligjit për Administratën Shtetërore të Republikës së Kosovës (nr.03/L-189, datë 16.09.2010), neni 7, dhe neni 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.9/2017, datë 02.08.2017), Këshilli Shtetërorë i Cilësisë (KSHC), në mbledhjen e 58-të, të mbajtur më 23 korrik 2018, mori:

V E N D I M

1. Tërhiqet akreditimi i programeve të studimit të BPrAL Kolegjit "Iliria":
 - Banka, Financa dhe Kontabilitet; BA, 180 ECTS,
 - Banka, Financa dhe Kontabilitet, MA, 120 ECTS,
 - Menaxhment Shëndetësor, MA, 120 ECTS,
 - Biznes Ndërkombëtar, BA, 180 ECTS,
 - Biznes Ndërkombëtar, MA, 120 ECTS,
 - Menaxhment dhe Informatikë, BA, 180 ECTS, dhe
 - Menaxhment dhe Informatikë, MA, 120 ECTS
2. Hiqet masa e pezullimit për programin e studimit:
 - Shkenca Kompjuterike – Informatikë e Aplikuar, BSc, 180 ECTS
3. Zgjatet periudha e akreditimit për programin e studimit Shkenca Kompjuterike – Informatikë e Aplikuar, BSc, 180 ECTS, për periudhën një vjeçare, 1 tetot 2018 – 30 shtator 2019.
4. Ky vendim hyn në fuqi me nënshkrimin e tij.

Arsyetimi

Bazuar në Udhëzimin Administrativ për Akreditimin e Institucioneve të Arsimit të Lartë në Republikën e Kosovës (tash e tutje UA për Akreditim), neni 21 dhe 26, pika 5.3.4, Agjencia e Kosovës për Akreditim (tash e tutje AKA) me datë 23 maj 2018 ka kërkuar nga të gjitha Institucionet e Arsimit të Lartë (tash e tutje IAL)

që ti dorëzojnë listat e stafit akademik për secilin program të studimit. Në afatin e përcaktuar nga AKA, BPrAL Kolegjit "Iliria" ka dorëzuar listat e kërkuara nga AKA për programet e studimit.

Bazuar në të dhënat e prezantuara nga ky IAL, për programet e studimit: Banka, Financa dhe Kontabilitet; BA, 180 ECTS, Banka, Financa dhe Kontabilitet, MA, 120 ECTS, Menaxhment Shëndetësor, MA, 120 ECTS, Biznes Ndërkombëtar, BA, 180 ECTS, Biznes Ndërkombëtar, MA, 120 ECTS, Menaxhment dhe Informatikë, BA, 180 ECTS, dhe Menaxhment dhe Informatikë, MA, 120 ECTS (sipas kërkesës së AKA-së datë 23.05.2018) konfirmohet se për këto shtatë programe të studimit nuk kanë asnjë staf akademik si bartës të programeve të cekura më lartë.

Sipas nenit 26, pika 5.3.4 kërkohet që: "Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë që për çdo grup të studentëve (të përcaktuar sipas statutit të IAL) dhe për çdo 60 ECTS kredi të programit të studimit, institucioni duhet të ketë të paktën një (1) staf me marrëdhënie të rregullt të punës me titull PhD apo titull të barasvlershëm artistik nga fusha e programit të studimeve". Pra siç mund të shihet nga sa u tha më sipër, kërkohet që për çdo 60 ECTS, IAL duhet të ketë një person në marrëdhënie të rregullt të punës me gradën shkencore PhD dhe të jetë i fushës së programit të studimit.

Në nenin 21, pika 1 e UA për Akreditim (9/2017), thuhet: "AKA e rezervon të drejtën të monitoroj dhe të kontrollojë cilësinë e institucioneve të akredituara në çfarëdo kohe me paralajmërim". Ndërsa sipas pikës 2 të nenit 26 të UA për Akreditim thuhet: "AKA mund të rishqyrtojë akreditimin e dhënë në çfarëdo kohe dhe/ apo më pas të tërheq vendimin e saj për akreditim nëse kushtet e dhëna me rastin e akreditimit janë shkelur". Bazuar në këtë çka u tha më sipër dhe në mungesë të stafit akademik, KSHC vendosi si në dispozitiv të këtij vendimi.

Për programin e studimit: Shkenca Kompjuterike – Informatikë e Aplikuar, BSc, 180 ECTS, pas shqyrtimit të dokumentacionit të dorëzuar nga BPrAL Kolegjit "Iliria", u konstatua që stafi akademik i plotëson kushtet për të qenë bartës i programeve të studimit, dhe me këtë rast KSHC mori vendim për heqjen e masës së pezullimit, dhe lejoj regjistrimin e studenteve të rinjë për vitin akademik 2018/2019.

Gjithashtu për programin e studimit Shkenca Kompjuterike – Informatikë e Aplikuar, BSc, 180 ECTS, KSHC vendosi që të zgjas periudhën e akreditimit për periudhën një vjeçare, 1 tetor 2018 – 30 shtator 2019. Ky vendim u mor bazuar në Ligjin për Arsimin e Lartë në Republikën e Kosovës (Nr.04/L-037- datë: 29.08.2011), neni 15, Pika 3, i cili përcakton se "Riakreditimi i bartësve kryhet nga AKA-ja në intervale kohe prej jo më shumë se 5 vjetësh. Riakreditimi nuk bëhet pa një shqyrtim të raportit të vetëvlerësimit të bartësit, nga ana e ekspertëve, përveç në rrethana të veçanta". Zgjatja e akreditimit pa zhvilluar proces vije si rezultat i pamundësisë së trajtimit të aplikacioneve për riakreditim të programeve të studimit si rezultat i mungesës së Këshillit Shtetëror të Cilësisë për shtat muaj me radhë. Kjo situatë për KSHC-në kualifikohet si rrethanë e veçantë, dhe duke dashur që mos të dëmtohen IAL në mungesë të KSHC-së, u vendos si në dispozitiv të këtij vendimi.

Këshillë juridike: Kundër këtij vendimi pala e pakënaqur mund të paraqitet ankesë sipas nenit 125 dhe 126, të Ligjit për Procedurën e Përgjithshëm Administrative (tash e tutje LPPA) nr. 05/L-31, datë 25 maj 2016. Ankesa kundër këtij akti administrativ i dorëzohet organit i cili e ka nxjerr këtë vendim bazuar në nenit 128 të LPPA, në afatin prej 30 nga dita kur pala është njoftuar për aktin administrativ sipas nenit 127 të LPPA.

Vendimi iu dërgohet:

- BPrAL Kolegjit "Iliria";
- MASHT;
- Arkivit të AKA-së.



Prof. Dr. Gazmend Luboteni
Kryetar i Këshillit Shtetëror të Cilësisë

